

LOEILANG TAENAH

(1) KUM THAI

Aw Boeipa Khohni kai ham aka caih lungbuei han suen lamtah ka khui kah mueihla he cikngae la han hlinsai lah.

Boeipa taengah laa sa u lah. Diklai boeih aw Boeipa taengah a thai la laa sa uh lah.

Na duengnah te namtom hlang loh a hmuh uh vetih manghai boeih loh na boeilennah a hmuh uh vaengah Boeipa ka kah a phoei ming thai neh nang te n'khue ni.

Hnuksul te poek boel lamtah hnukrhuem te dan boeh.

nangmih te thinko thai kan paek vetih na khui ah mueihla thai ka khueh phoeiah nangmih pumrho kah lungto lungbuei te ka khoe vetih ngansen lungbuei te nangmih kan paek ni.

Te dongah ukhaw Khrih ah a om atah saihluen thai la om coeng. A rhuem te khum tih a thai halo coeng he.

Ba dongah tikoinih aka phoe boeih vangnah ni. Te dongah " aka ip nang te hinghang lamtah aka duek rhoek lamkah thoo laeh.

Te vaengah Khrih te nangmih soah ha sae ni.tila a thui.

Jesuh Khrih tah hlaem neh tihnin kumhal due khaw amah moek la om.

Te phoeiah vaan thai neh diklai thai te ka hmuh. Ba dongah tikoinih, lamhma kah vaan neh lamhma kah diklai tah khum coeng tih tuitunli om voel pawh. Soeprhaep boeih a thai la ka sai coeng.

(2) MAMIH TAENGHA KHOHNI OM

Tedae kai ming neh a pa loh Mueihla cim te baerhoep la han tueih ni. Te Mueihla Cim loh soeprhaep boeih ah nangmih te n'thuituen vetih kai loh nangmih taengah ka thui boeih te nangmih koep m'poek sak ni.

Ngaimongnah nangmih ham kan caehtak. Kai kah ngaimongnah te nangmih kan paek. Kai loh nangmih kan paek he diklai loh a paek bang moenih. Nangmih lungbuei te ngaihman sak boeh rhih khaw rhih boeh.

Nangmih ham ka thui te na yaak uh coeng. Ka cet vetih nangmih taengla koep ka lo ni. Kai nan lungnah u atah apa te kai lakah tanglue la a om dongah apa taengla ka caeh ham te na uem uh ni ta.

A om hlankah nangmih ham tahae ah ka thui oepsoeh he khaw a om vaengah na tangnah uh ham hi.

Te dongah cet u lamtah hlangphung boeih te hnukbang la han sai uh. Amih te Pa, Capa, Cim Mueihla kah ming neh baptisma pae uh.

Nangmih ham kai kah olpaek boeih boeih te a khoem na u ham amih te thuituen uh. Kai khaw nangmih neh diklai tue a bawt duela hnin takuem ka om hmaih ni.

Kai kah olpaek te na kuem atah kai loh a pa kah olpaek rhoek te ka kuem tih a pa amah kah lungnah dongah ka om vanbangla kai kah lungnah dongah na om uh ni.

Kai kah omngaih he nangmih ah om vetih nangmih kah omngaih a soep ham ni he rhoek he nangmih ham ka thui coeng.

Nangmih loh kai nan tuek uh moenih, tedae kai loh nangmih kan tuek dongah na cet uh vetih a thaih na thaih phoeiah na thaih te phueih om sak ham nangmih kan khueh. Tiatah mebang khaw kai kah ming neh Pa taengah boeih na bih uh atah nangmih ham han rhoi ni.

(3) THOLHYUT NEH AKA BAWK

Luke 18:9, 10, 13, 14, John 4:23, 24, Mat 7:7, 8

Duengcim la om ham amah neh amah pangtung tih hlangtloe aka hnael hlangvang rhoek ham khaw he kah nuettahnah he a thui bal.

"Voei khat ah hlang panit te thangthui ham bawkim la cet rhoi : pakhat te Pharisee tih atloe te mangmu aka coi ni.

Pharisee te amah la pai tih he tlam he thangthui. 'hlang tloe rhoek, hlangthaipalat rhoek, aka tholh rhoek, samphaih rhoek, neh he kah mangmucoi bangla ka om pawt dongah Khoni nang he kan uem.

Nangmih ham kan thui eh, anih he pakhat lakah amah im la duengcim neh bal. Tedongah ukhaw amah aka pomsang te hlaq la om ni. Tedae amah te a dang la aka yalh tah pomsang la om ni.

Tedae aka bawk tatak rhoek loh a Pa te mueihla neh oltak ah bawk ham a tue tahae ah halo li, tih a om vaengah te tla amah aka bawk rhoek te a pa loh a tlap dongah ni.

Khohni tah Mueihla la a om dongah anih aka bawk boeih long te mueihla neh oltak ah bawk ham a kuek" a ti nah.

Bih u lah nangmih te m' paek ni. Tlap u lah na hmuh u ni.

Khoek u lah nangmih ham thoh han ong ni.

Ba dongah tikoinih aka bih hlang boeih loh a dang vetih a ka tlap hlang longtah a hmuh, aka koek hlang hamla thoh a ong pa ni.

(4) THANGTHUI NAH

Mat 6:6-9, John 17:1-3

Nang tah thangthui vaengah na imkhui la kun lamtah thoh khoep khai. A huep kah aka om na Pa taengah thangthui, a huep kah khaw boeih aka hmu kung na Pa loh nang n' thuung ni."

Thangthui vaengah hlangtloe rhoek bangla bawlbawlh tlawk boeh. Ba dongah tikoinih amih kah Olyet he a hnatun ni tila amih loh a poek uh. Te dongah amih bangla om uh boeh.

Ba dongah tikoinih nangmih kah na Pa loh nang na bih hlanah na ngoe ngaihnhah boeih te a ming coeng. Te dongah nangmih he tlamhe thangthui uh lah.

***Vaan kah kaimih napa
na ming hinyah la om saeh.***

Na ram ha pai saeh.

***Vaan ah na kongaih a soep bangla
diklai ah khaw soep van saeh.***

Tihin kah cak rhoeh buh te kaimih m ' pae lah.

***Kaimih sokah hlangtholh te khodawk ka ngai u bangla,
kaimih kah tholh laiba boeih khodawk han ngai lah.***

***Cuekhalnhah khuila m ' kaimih mawt boel lamtah,
a thae khui boeih lamkaloh kaimih n ' khang lah.***

***[na ram, na boeimang nah, na tha om na tah dungyan mah ka ni.
Amen.]***

Jesuh loh he rhoek he a thui phoeiah a mik te vaan la a dai hang tih "a Pa, a tue ham pha coeng. Capa loh nang thangpom ham na capa he thangpom lah " tila a thui.

Hlanghing pumsa boeih kah anaa te anih na paek vanbangla anih na paek boeih te dungyan hingnah paek ham ni.

Te dongah oltak Khohni nang bueng neh na tueih Jesuh Khrih a ming uh te dungyan hingnah ni.

(5) NAMLUNG (Patriotism)

U long khaw n'thailatnah uh boel saeh. Khohni he thaekha la a om moenih. Ba dongah tikoinih hlang loh a tuh te tah koep a ah tih amah kah pumsa la aka tuh long te pumsa lamkah pocinah a ah.

Tedae Mueihla ah aka tuh long te tah Mueihla lamkah dungyan hingnah a ah ni. Te dongah a then sai hethathae sak u boel sih. Ba dongah tikoinih amah tuetang n'ah u ham te kobawt sak u boeh.

Te dongah a tuengtang n'dang u vanbangla hlang boeih taeng neh olupuei la tangnah imkhuikho taengah a then te sai u sih.

Tekah olhuep tah vaan ah aka om rhoek khaw, diklai ah aka om rhoek khaw, boeipa ah aka om soeprhaep boeih te a tue a soep due Khrih ah cului tih a caekboenah ham te ni.

Mamih khaw soeprhaep boeih amah kongaih kah a caithil vanbangla aka sai kah mangtaengnah rhangneh n'nuen u oepsoeh tih Khrhih amah rhangneh rhopang la n'om uh.

Nangmih khaw Khrih rhangneh namamih kah khangnah olthangthen oltak olka te na yaak u coeng tih anih aka tangnah te tah olkhueh tangtae kah Mueihla Cim neh miknoek daeng la na om uh.

Te Mueihla tah Boeipa kah boeilennah koeh ham amah koe a tlannah duela mamih kah rho ham cungah ni. Mamih Boeipa Jesuh Khrih kah Boeipa Khohni, Boeilen apa loh amah mingnah olphong neh cueihnah mueihla te nangmih m'paek vetih,

Amah kah khuenah ngaiuepnah abalae ti khaw, hlangcim rhoek taengah Boeipa kah boeilennah rho cungkuem te balae ti khaw, na ming hamla nangmih lungbuei mik tuengsak tangtae

neh Boeipa thaom kah aa bibi loh aka tangnah mamih taengah amah kah saithainah aka len koek poekхлоep la a om te balae ti khaw, ka thangthuinah dongah nangmih poekkoepnah ka sai.

(6) HLANG NOE

Te dongah ka ca nang Khrih Jesuh ah lungvatnah neh thaphohlamtah laipai a yet neh kai taengkah na yaak te uepom hlang tih hlangtloe khaw thuituen thai la aka om koi te pae.

Na rhoengli te ukhaw hnaep sak boeh tedae olka dongah khaw, khosak dongah khaw, lungnah dongah khaw, tangnah dongah khaw, cuemcaihnah dongah khaw, tangca rhoek ham awt koi la om lah.

Oltak olka te tluektluek aka khoem 'aka birhih pawh bibikung tih Khohni taengah ueppang koi la nawn ham namah te tlungmu lah.

Jesuh loh anih te " Ba dongah lae kai he aka then nan ti nah? Khohni pakhat bueng pawt atah u khaw then pawh.

Hlang ngawn boeh, samphaih boeh, huencan boeh, laithae paipuei boeh, a hong lai ca boeh, na nu neh na pa te hinyah tila olpaek te na ming coeng " a ti nah hatah,

anh loh Jesuh te " Saya, he rhoek boeih he ka camoe lamkah ka vai coeng " a ti nah.

Te dongah Jesuh loh lungnah neh anih te a sawt tih " Pakhat ngawn tah nang na vawt pueng, cet lamtah na khueh tawn boeih te bitbit na yoih tih khodaeng rhoek te paek atah vaan ah kawm then te na tung ni.te phoeiah halo lamtah kai hnuk ah bang " a ti nah.

(7) MISSION

Mathai 28:18-20, John 10-16, Luke 24: 46-48, Lam 1;8, 13, 14, Luke 24:52.

Te vaengah Jesuh te amih taengla cet tih, "Diklai hman neh vaan ah anaa boeih he kai taengah paek la om coeng.

Te dongah cet u lamtah hlangphung boeih te hnukbang la han sai uh. Amih te Pa, Capa, Cim Mueihla kah ming neh tuinuem uh.

Nangmih taengah kai kah olpaek boeih te a khoem na u ham amih te thuituen uh. Kai khaw nangmih neh diklai tue a bawt duela khohnin takuem om hmaih ni.

He kah vongup kah aka om pawh tu atloe te khaw ka khueh pueng. Amih khaw mawt ham ka kuek dongah ka ol te a hnatin uh vetih tudawn pakhat, tuping pakhat la om uh ni.

Te dongah Boeipa loh amih te " Khrih tah patang vetih a thum hnin ah duek lamkah
koop a thoh ham te cabu cim ah a daek coeng dongah,

***Khrih ming neh tholh khodawngai ham tholhyutnah te Jerusalem lamkah tong
tih paeng tom boeih taengah na phong u ni.He rhoek boeih kah laipai rhoek la
nangmih na om uh.***

Tedae nangmih soah Cim Mueihla te halo tih saithainah na dang uh vaengah
Jerusalem neh, Judea ram boeih neh, Samaria neh Diklai bawt due ah kai kah laipai la
na om u ni.

***Amih ham pha uh vaengah Peter khaw, Johan khaw, James neh Andru khaw,
Philip neh Thomas khaw, Batholomu neh Matthai, Alphae capa James neh Simon
Namlung khaw, James capa Judah khaw imhman la cet uh tih te hmuen ah pah
uh tih om uh***

Amih rhoek loh boeipa te a bawk uh phoeiah omngaih tangkik la Jerusalem ah bal
uh.

(8) CUEK HALH NAH

Mathai 4:1-10

Te phoeiah Jesuh te rhaithae loh noemcai hamla mueihla loh khohong la a
mawt.Khothaih hnin likip, neh khoyin likip buh a yaeh bawt ah, a
bungpong.

***Te phoeiah cuekhalh kung loh a taengla a paan tih a ti nah, "Nang
Khohni capa la na om tatak atah, hekah lungto he vaidam la a poeh
naham olpae lah."***

Tedae Jesuh loh, "hlang he vaidam bueng neh a hing moenih, tedae
Khohni ka khui lamkah aka thoeng olka boeih nenni a hing eh tila a thut
tangtae coeng ni." a ti nah tih a lan.

***Te phoeiah rhaithae loh Boeipa te kho puei cim la a khuen tih, bawkim
kah imphusoi ah a pai sak.***

Nang, " Khohni capa la na om taktak atah namah neh namah cungpung
thuk lah,Ba dongah tikoinih cacim ah a thut coeng ta, Boeipa loh nang ham

van caeltueih a uen vetih, amih loh a kut neh n ' dom u ni, na kho khaw lungto neh na khuek mahpawh, tila Boeipa te a ti nah.

Jesuh loh, " Boeipa na Khohni Khohni te noemcai boeh tila a thut van " a ti nah.

Te phoeiah rhaithae loh Boeipa te tlang bahoeng a sang la a khuen tih, " dilai ram boeih neh a boei a mang te a tueng.

Rhaithae loh Boeipa te, " na bakuep tih kai nan bawk atah hekah hno rhoek boeih he nang kan paek ni " a ti nah.

Jesuh loh " Satan cet, Ba dongah tikoinih Boeipa na Khohni Khohni bueng na bawk vetih tho na thueng ni tila a thut coeng " a ti nah

(9) KHOHNI KAH RAM

Mark 1:15-16, Mathai 13:31-33, John 18:36-37

A tue te a soep coeng dongah Khohni ram te yoei coeng tih tholhyut u lamtah olthangthen te tangnah u laeh " tila a thui tih Khohni olthangthen te a phong.

Boeipa loh atloe nuettahnah amih a paek tah, vaan ram he antam mu bangla om, te antam mu te hlang pakhat loh a loh tih a lo ah a tue, Tete a mu boeih lakah yiit ngai la om dae a rhoeng vaengah toian boeih lakah len ngai tih thing nu la poeh tih, vaan kah va loh tekah thinghlaeng dongah khosak hamla halo." a tin ah

Atloe nuettahnah amih taengah a thui bal tah " vaan ram he tolru bangla om, huta pakhat loh tolru te a loh tih vaidam khoi thum khuiah a hlum vaengah apumla a rhoi sak.

Jesuh loh "Kai kah ram tah he diklai kah ram la a om moenih, he diklai kah ram he kai kah ram la om koinih, Juhdah rhoek taengah voeih la ka om pawt ham ka tueihyoeih rhoek loh a hnueih uh van suidae.

Tedae kai kah ram tah he ah a om moenih" tila a lan.

(10) HINGNAH VAIDAM

John 6:32-34, 6: 15, 39, 40, 44, 51; John 10:10 Mat 5:6

Te dongah Jesuh loh amih te "Nangmih te rhep kan thui, Moses loh vaan lamkah vaidam te nangmih m' paek moenih, tedae a Pa loh vaan lamkah vaidam taktak te nangmih m' paek".

Vaan lamkah aka lo te tah Khohni kah vaidam la a om dongah diklai ah hingnah a paek" a ti nah.

Te dongah Jesuh te“Boeipa, tekah vaidam te kaimih m’pae taitu lah” a ti na uh. Amih rhoek loh halo tih Jesuh te manghai la sai ham a ngaih uh tih, tu sih tila thuepthuep a taeng u te Jesuh loh a ming dongah amah bueng tlang la koep cet.

Kai m’ paek boeih te hmata sak kolla hnukkhueng khohnin ah thoh sak ham te kai aka tueih kung kah kongaih ni.

Capa aka dan boeih loh amah te a tangnah vetih dungyan hingnah a khueh ham te a pa kah kongaih ni. Te dongah a hnukkhueng khohnin vaengah Kai loh anih te ka thoh ni.

Kai aka tueih kung pa loh anih te a doek pawt atah kai taeng ah u khaw halo thai pawh. a hnukkhueng khohnin ah anih khaw ka thoh ni.

Tedae Kai he vaan lamkah aka lo hingnah vaidam ni. Ukhaw he kah vaidam he a caak atah yoeyah la hing ni. Kai loh kan paek ham vaidam te tah diklai hlang kah hingnah ham ka paek kamah pum ni.

Hlanghuen he huen ham neh, hlang aka ngawn ham neh, phae ham pawt atah halo moenih. Kai tah amih te hingnah khueh sak phoeiah a pueh a soi la khueh tawn sak ham ni ka lo.

duengcimnah te tui la a ka hal bung la ka pong hlang tah a yoethen uh ; amih tah hah u ngai ni

(11) CUEKHALH NAH

Boeipa tah kai aka dawn la a om dongah ka vawtthoek mahpawhrhamtlim saihnim ah kai n’duem sak tih dingsuek tui kaeng la kai m’mawt

Ka hingnah han thoelh tih amah ming ham longpuei dueng ah kai m’mawt

Dueknah hlipkhup longhoi ah ka caeh vaengah pataeng nang loh namah kah na caitueng neh kai nan om puei tih na conghol loh kai n’hloep dongah mueirhih khaw ka rhih mahpawh.

Ka rhal rhoek kah mikhmuh ah kai ham caboei te nan phaih. Situi neh ka lu nan hluh. Ka boengloeng khaw baecoih.

Ka hingnah kum tue boeih na thennah neh na sitlohnah bueng long ni kai m’vai vetih Boeipa kah im ah kumhal duela ka om pawn ni

(12) RHOPHOE HNIN PUEI (PALMS SUNDAY)

John 12:12-13, Mathai 21: 10-13, John 12: 20-25

A vuen atah khotue la aka lo hlangping a yet loh Jerusalem la Jesuh halo tila a yaak uh tih,

Rhophoe kah a hlaeng te a loh u tih Jesuh doe la cet u tih "Hosanna! Boiepa ming neh aka lo Israel manghai te a yoethen coeng" tila pang uh.

Jerusalem khuila Jesuh a kun vaengah kho pum boeih hinghuen tih," Anih he u nim " tila a dawt uh.

Te vaengah hlangping rhoek loh," Anih he Galilee peng Nazareth kho lamkah tonghma Jesuh ni " a ti uh.

Jesuh te bawkim khuila cet tih bawkim ah hno yoi rhoek neh hno lai rhoek boeih te a haek, tangka aka tho rhoek kah caboi rhoek neh vahu cana aka yoi rhoek kah ngolkhoel boeih a palet pahtih amih teangah,

" Ka im he,' Thangthuina im la a khue ni'

tila a daek tangtae coeng dae

nangmih loh hlanghuen pacan rhoek kah

khuirhung la na sai uh "

tila Boiepa loh a ti nah.

Tedae khotue ah bawk ham aka cet rhoek khuiah hlangvang tah Greek rhoek khaw om uh. Te dongah Galilee peng Bethsaida lamkah aka lo rhoek loh Philip te a pan u tih "Boiepa Jesuh hmuh ham ka ngaih uh dae ta" a ti na uh tih a dawt uh.

Te vaengah Jesuh loh amih te "Hlang capa thangpom ham a tue loh halo coeng.

Nangmih ham rheap ka thui: cang hum te lai la tla tih a duek pawt atah amah bueng lamni a om. Tedae a duek atah cangvui mui mui.

Amah kah hingnah aka lungnah loh a hingnah te a hlong vetih he diklai ah amah kah hingnah aka thinah long ni te kah dungyan hingnah ham te a palki eh.

(13) KRIH THOH KOEP HNIN (EASTER SUNDAY)

Mathai 28:1-8, 1 Kawrin 15:20-22, Johan 11:25-26

Yaehhnin poeng kah yarh khuikah lamhmacuek khohnin ah mincang khopo vaengah Magadala nu Mary neh atloe Mary te hlan hip hamla halo uh.

Te vaengah lingluei a tloh la hlawt hinghuen. Ba dongah tikoinih Boiepa Khohni kah van caeltueih te vaan lamkah ha rhum tih lungto taengla cet tih a palet phoeiah a soah ngol.

Te vaengah vancaeltueih loh huta rhoi taengah,"Nangmih rhoi loh rhih rhoi boeh, Ba dongah tikoinih thinglam dongkah a tai u tangtae Jesuh na tlap rhoi tila ka ming.

Boeipa tah a thui vanbangla thoo coeng tih heah a om voel moenih, halo lamtah a yalh nah hmuen te so rhoi lah." a ti na tih a voek

Te dongah hlan lamkaloh lakueng ngaiha neh omngaih kohoe doe ah tatloe la cet uh tih Jesuh kah hnukbang rhoek taengah puen hamla yong uh.

Tahae ah ngawn tah Khrih he duek lamkah thoo coeng tih aka ip rhoek kah thaihcuek lah om coeng.

Ba dongah tikoinih hlang pakhat rhangneh dueknah halo vanbangla hlang pakhat rhangneh aka duek rhoek kah thohkoepnah khaw halo.

Ba dongah tikoinih Adam ah hlang boeih a duek vanbangla Khrih ah khaw hlang boeih hing van ni.

Jesuh loh anih taengah "Kai tah thohkoepnah neh hingnah la ka om. Kai ah aka tangnah te tah duek mai cakhaw hing ni.

Kai ah aka tangnah tih kho aka sa boeih te tah kumhal duela duek tlaih mahpaawh ti he na tangnah a?" a ti nah.

(14) BOEIPA KHOHNIN

Sunglat 20:8-11, Mark 2:27-28, 16:1,2, 5-6, John 20:19, Olphong 1:5-6

Yaehhnin khohnin te poek lamtah cimcaih sak.

Khohnin hnin rhuk bi na bi vetih namah kah bitat te boeih na sai n.Tedae a rhih hnin tah na Boeipa Khohni ham yaehhnin ni.

Mebang bi khaw na sai mahpawh. Na capa khaw,na canu khaw, na salpa khaw, na salnu khaw, na rhamsa khaw, na thohka kah yinlai khaw na tueih mahpaawh.

Ba dongah tikoinih Boeipa loh vaan neh diklai, tuitunli neh soeprhaep boeih he khohnin hnin rhuk ah a sai dae a rhih hnin ah duem. Te dongah Boeipa loh yaehnin Khohnin te yoethen a paek tih a cimcaih sak.

Te dongah, Jesuh loh amih taengah,"Yaehhnin te hlang hing ham sai la om, tedae hlang hing he yaehhnin ham moenih ;

te dongah Hlang Capa te yaehhnin kah boeipa la om pataeng," a ti nah.

Yaehhninte poeng phoeiah Mary Magdala neh James manu Mary neh Salome loh botui a lai u tih boeipa te hluh ham la halo uh.

Yarkhat kah lamhma cuek mincang hi, khomik a thoeng vaengah phuel hampah uh.Phuel khuila a kun u hatah cadong pakhat himbai bok a bai tih bangtang ben ah a ngol te a hmuh uh dongaha ngaihmanh uh.

Tedae anih loh amih te " Muep na ngaihhmang u boeh a tai u tangtae Nazaret Jesuh te na tlap uh. He ah a om moenih thoo coeng. Anih a khueh na hmuen te so lah he.

Te dongah Tekah yarh lamhmacuek khohnin hlaem la a om tih hnukbang rhoek loh Judah rhoek te a rhih uh dongah a om nah uh im thohka te khoep a khaih uh

vaengah Jesuh te halo tih amih lakli ah pai tih amih te "Nangmih taengah ngaimongnah om saeh" a ti nah.

Amah loh mamih n'lungnah tih a thisen neh mamih kah tholh boeih te a phae phoeiah

A ram ah mamih he kosoih la n'khueh dongah a napa Khohni taengah khaw amah taengah khaw thangpomnah neh lungthang nah kumhal om yoeyah saeh amen.

(15) KHRIH NEH RHOINAENG NAH

Kolosa 3:1-3, 2Kawrin 5:17, Kol 3:10-15

Te dongah Khrih nehmaih na thoh u atah Boeipa Khohni kah bantang ah aka ngol Khrih a om nah soben hno te tlap uh.

Soben kah hno te poek uh diklai hmankah hno te poek u boeh. Ba dongah tikoinih nangmih tah na duek u coeng dae nangmih kah hingnah te Boeipa Khohni dongah Khrih nehmaih a thuh coeng.

Te dongah ukhaw Khrih ah a om atah saihluen thai la om coeng. A rhuem te khum tih a thai halo coeng he.

Te suen thai dongah Greek neh Judah, yahvinrhet neh yahvinrhetmueh, kholong hlang, hlang tlung, sal tamna, aka loeih ti om pawh. Tedae Khrih tah a soeprhaep boeih dongah soeprhaep boeih la om.

Te dongah Khohni kah a coelh rhoek, aka cim neh a lungnah rhoek vanbangla, sitlohnah kah thintlohnah, rhennah, kodonah, muelhtuetnah, thinsennah te bai u lah.

Khat neh khat soah ueh lamtah khat neh khat te kamkaihnah ni a om mai khoem atah Boeipa loh nangmih khodawk a ngai vanbangla nangmih van long khaw khat neh khat te khodawngai uh.

Soeprhaep boeih so neh he kah hno boeih a soepnah kah rhuipin la aka om lungnah te sui u lah. Te phoeih Khrih kah ngaimongnah te nangmih kah thinko ah cuhlui sak. Te ngaimongnah ham pumrho pakhat dongah khue la na om uh van tih uemonah khueh uh.

(16) HNUKBANG

Luk 9: 57-62, Mathai 10: 37-39

Long ah a caeh u li vaengah hlang pakhat loh Boeipa te " Melamkhaw na caeh na takuem ah na hnuk ka bang ni a ti nah.

Jesuh loh anih te metang loh a khui a khueh tih vaan kah vaa rhoek khaw bu a khueh. Tedae hlang capa lu a tloeng nah khueh pawh " a ti nah.

Te phoeiah a tloe taengah kai hnukbang lah a ti nah. Tedae "Boeipa a pa vuei ham lamhma la ka cet mai dae eh" a ti nah

Te phoeiah a tloe taengah kai hnukbang lah a ti nah. Tedae "Boeipa a pa vuei ham lamhma la ka cet mai dae eh" a ti nah. Tedae Jesuh loh "Aka duek rhoek te aka vuei ham aka duek amahmih te om ngawn saeh. Nang tah cet lamtah Khohni kah ram te doek lah.

Te phoeiah atloe te a ti nah bal hatah Boeipa, nang hnuk ka bang ngawn ni, tedae ka im kah rhoek te phih ham ka cet mai dae eh " a ti nah.

Tedae Jesuh loh anih te "Laithol cung te kut a tloeng thil tih a hnuk ben aka dan he Khohni kah ram ham aka ting ukhaw om pawh" a ti nah.

Ukhaw kai lakah a manu neh a napa aka lungnah te tah kai ham a tueng a ta la om pawh. Ukhaw kai lakah a capa neh a canu a ka thintlohna hlang te tah kai ham a tueng a ta la om pawh.

U khaw a thinglam a koh kolla ka hnukah a ka bang tah kai ham a tueng a ta la om pawh.

Ukhaw amah kah hingnah a ka hmu hlang te tah hing nah a hlong vetih, ukhaw kai kongah a hingnah a ka hlong hlang te hingnah a hmuh ni.

(17) THINOMNAH

Rom 8:35, 37, 38, 39; Philipi 2: 2-10

Khrih kah lungnah lamkah u long lae mamih m' paekboe thaieh? Patang palai a, phacip phabaem a, hnaemtaeknah a, khokha rhamling a, a tlingyal a, khonuen rhamtat a, tumca pala a,

"Nang ham kongah hnin at puet n'duek sak u tih tu bangla ngawn ham m'hmoel uh" tila a thut tangtae bangla om coeng.

Tedae mamih aka lungnah kung rhangneh he rhoek boeih he rheap n'na u coeng.

Ba dongah tikoinih dueknah long khaw, hingnah long khaw, vancaeltueih long khaw tanglue rhoek long, mikhmuk, hmailong, saithainah long khaw, A sang khaw, a dung khaw atloe saihtuen mai long khaw mamih Boeipa Jesuh Khrih ah Khohni kah lungnah lamkah mamih m'paekboe thai a ya ?.

Hekah lungpoek Jesuh Khrih ah aka om van te tah nangmih khuiah khueh uh. Anih, Khohni kah mueimae la aka om loh Khohni neh vanat la om te rhawt ham poek pawh.

Tedae amah neh amah te a tlongtlai la sai u tih sal kah mueimae te a loh phoeiah hlang kah mueiloh la ha coeng. A suisak ngawn tah hlanghing bangla m'hmuh dae boe a ngai tih,

thinglam kah dueknah neh a duek ham duela amah neh amah te olngai la coeng.

Te dongah Khohni long khaw anih te a pomsang tih ming boeih soah ming tanglue te anih a paek.

Te dongah vaan neh diklai neh laikhui kah aka om boeih te Jesuh ming dongah khuklu cungkueng

(18) CUNKUNG MANU HNIN (Mother's Day)

(Genesis 1:28, Olcueih 31, Mathai 23, And Joshua 2:12)

Khohni loh amih rhoi te yoethen a paek tih amih rhoi taengah Khohni loh Thaihsu uh, lamtah pungtai lamtah, diklai he baetawt uh, lamtah diklai neh : tuitun nga, neh vaan kah vaa khaw, diklai hmankah yuel aka hing boeih te khoembael rhoi a ti nah.

Ani dongah a va loh thinko a hong vetih a then te vawtthoek mahpawh.

A va ham thennah a khuen vetih a hingnah khohnin boeih ah mueirhih om mahpawh.

Hlamik te a tlap tih hnithen te thahlue la amah kut neh a sai.

Anih tah hnoyoi sangpho bangla om tih amah hamla caak ok te a hla lamkah han khuen.

Khoyin boengli vaengah khaw thoo tih a imkhuikho ham cakok a sai phoeiah a tanu rhoek ham hma a taeng pah.

A kut neh hmuicung te a yueng tih a kutdawn neh cunghmui a hnuh.

Boeipa aka rhih huta tah thangpom la om coeng. AINU loh aicahui ke a phae hlip ah a hluembael bangla na ca rhoek te hluembael ham ka ngaih taitu coeng dae na ngaih uh pawh."

Nangmih taengah sitlohnah ka sai dongah Boeipa loh apa cako taengah sitlohnah a tuengsak van ham toemngam u lah.

(19) KAEPVAI KHOHNIN (ECOLOGY DAY)

Tingtoeng Lung 24:1, Ezekial 31:12-13, Saam 104: 10-18, Joel 1 :18-20, Rom 8:23,

Diklai neh kho rha boeih neh a khuiah aka om boeih he Boeipa kah ni. Namtom kah rhih koi kholong hlang rhoek loh boeih a vung uh.

Tlang so neh tuikol boeih ah thingbu te yalh tih kho tom rha li ah a hlaeng te paelhpaelh tlawt. A hlip khup lamkah diklai namtom hlang boeih loh halo u tih anih te sut a hno uh.

Tekah thing bung dongah vaan kah va boeih loh kho a sak u tih a hlaeng dongah kohong kah suva boeih loh om uh.

Boeipa loh soklong la a loei tuisih rhoek te tlang rhoek laklo ah long uh.

Kohong kah rhamsa boeih te tui a tul uh tih kohong marhang rhoek khaw a tuihalh dip uh.

Tui kaengah vaan kah vaa khaw om uh tih thingsam soah loei uh.

Boeipa loh thingkung rhoek boeih te a hloe tih Lebanon ah cedar thing boeih te khaw a ling.

Boeipa a omnah hmuén sang lamkaloh tlang boeih te na suep tih, na kutci loh diklai te a hah sak. Teah te va rhoek loh bu a tuk tih, bungrho loh hmaical thing dongah a im a khueh.

Tlang sang boeih te sathai ham om tih, pango boeih khaw sathae ham kuepkolnah la om.

Rhamsa boeih loh luemnah a om kolla mat pang uh tih sael dawn rhoek a lukil uh. Tu ping khaw duek.

Boiva ham sul rham poe tih hlanghing hamla cang kung na tue pah tih, diklai lamkah buh na thoeng sak.

Kohong suva rhoek long pataeng sokca tuiva boeih kak tih kohong kah a rhamtlim hmai a ung pah dongah boeipa nang taengla pang coeng.

Kohong kah rhamtlim boeih te hmai a hoeu u tih khohmuén rhamol kah thingkung boeih hmai a ung dongah Boeipa nang taengah ka puen. Ba dongah tikoinih saihluén boeih he tahae duela thikatla kopang u tih patang uh.

(20) LUNGNAH

1 Kawrin 13:1-13

Hlanghing neh vancaeltueih ol com ol cae te ka cal dae lungnah ka khueh pawt atah mong ol neh tlaklak cai bangla ka om ni.

Te phoeiah olphong ka dang tih olhuep boeih neh cueihnah boeih ka ming tih tlang rhoek ke thoih thai ham tangnah soeprhaep ka khueh dae, lungnah ka khueh pawt atah ba lamkhaw ka om mahpawh.

Ka khueh tawn te boeih ka tael tih hmai ah hoeu ham ka pum te ka paek dae lungnah ka khueh pawt atah ka hoeikhang tloe moenih. Lungnah loh a ueh, lungnah loh a rhen, lungnah loh uethnet pawh, hoemdam pawh, oekhlawn pawh.

a boethae pawh, amah ham huul pawh, a thintoek pawh, a thae te kuem pawh. Boethae dongah omngaih pawh. Oltak dongah ni a omngaih.

Soeprhaep boeih te a hlipdah. Soeprhaep boeih te a tangnah. Soeprhaep boeih te a ngaiuep, soeprhaep boeih te a ueh.

Lungnah he bawt tlaih pawt dae mebang tonghma khaw a hnawt ni. Olka khaw hma ni, cueihnah khaw bawt ni, poci ni.

Tahae ah ngaiuepnah tangnah, lungnah he om tih herhoek khuiah lungnah he tanglue koek la om.

(21) HNILHDAM POEKKOEPAH

Rom 12;1-2, Olphong 7:9, 10; 13-14

Te dongah manuca rhoek nang, Khohni kah rhennah rhangneh nangmih kah pumrho te Khohni loh a uem ham aka cim aka hing hmueih la paek ham kan hloep uh. Nangmih kah mueihlaben thothuengnah tah he pawn ni.

Te dongah hekah diklai mueikap sak u boeh. Tedae lungbuei thai neh thovael uh.

Te daengah ni, Khohni kah kongaih aka then, aka soep neh uemo koi te na soepboe u thai eh.

Te phoeiah ka dan hatah hlangping a yet toek lek toek na pawt te om. Namtom boeih neh hlang phung rhoek neh ol com ol cae aka cal rhoek te tuca hmai neh ngolkhoel hmaiah a pai uh. Himbai bok a bai uh tih a kut ah rhophoe rhip a pom uh.

Te phoeiah "Khangnah tah mamih ngolkhoel soah aka ngol Boeipa Khohni neh Tuca kah ni" tila a thui u tih ol ue la tamhoe uh.

Te phoeiah patong rhoek khuikah pakhat loh kai taengah "He kah himbai bok aka bai tangtae rhoek he u rhoek nim ca he ? Melamkalae halo uh" a ti tih kai n'dawt tih

Kai long khaw anih te, "Ka Boeipa namah loh na ming" ka ti nah. Anih loh "Amih rhoek he khodaeng aka tlo koek lamkah aka lo la om uh tih amamih kah himbai te Tuca kah thisen ah a suk uh tih aka cilpoe rhoek ni." tila kai taengah a thui.

Te dongah Boeipa Khohni kah ngolkhoel hmaiah om uh tih, Boeipa kah bawkim ah khoyin kothaih Boeipa amah te a bawk uh. Ngolkoel sokah aka ngol loh amih soah a dah.

(22) CAMOE RHOEK KHOHNIN (CHILDREN DAY)

Mathai 18: 1,2,4-6; 19:13-15, Luka 1: 80; 2:52

Vaan ram ah ulae a len koek la aka om " tila a dawt uh.

Te dongah camoe pakhat te a khue tih amih lakli ah a pai sak phoeiah" nangmih taengah rheap kan thui, camoe rhoek bangla na thovael u tih na om pawt atah vaan ram khuila na kun u tlaih mahpawh." a ti nah.

Te dongah ukhaw he kah camoe bangla amah neh amah boengai hlang te tah vaan ram ah a len koek la om.

Te phoeiah u khaw kai kah ming neh hebang camoe pakhat a doe mai atah kai ni n'doe.

"Tih u khaw Kai aka tangnah loh he rhoek kah adikanoi pakhat aka bung sak rhoerhoe te tah, sumngol a len te a rhawn ah a oi tih tuili dung ah a buek te anih ham then bet

Te phoeiah Jesuh loh amih soah kut a tloeng tih thangthui ham camoe te a taengla han khuen u dae amih te hnukbang rhoek loh a tlung uh.Tedae Jesuh loh,"Camoe rhoek te rhoii pa uh, kai taeng la halo naham amih te haek u boeh,Ba dongah tikoinih vaan ram tah hebang hlang rhoek kah la om " a ti nah.

Amih soah kut a tloeng pa phoeiah te lamkaloh Boeipa vik cet.Camoe te rhoeng tih mueihla a thaa om tih Israel taeng ah a phoenah khohnin a pha hlan duela kohong ah om.Jesuh te cueihnah neh pumrho ah rhoeng hang tih Khnohni neh hlang hing kah dan ngaih puhlu la om.

(23) PENTIKOS

Caeltueih 2:1-4, 7, 14, 17, 21

Pentikos hnin a pha vaengah amih rhoek te thikat la boeih tingtun uh tih om uh.

Te vaengah olhum vaan lamkah tarha halo khohli bangla kulkulh hli tih amih aka ngol rhoek a om nah im te khuk bae.

Te phoeiah olka te hmaisai bangla amih taengah thoeng tih amih khat rhip soah om.

Te vengah Mueihla Cim neh boeih bae uh tih Mueihla loh amih taengah thui ham a paek vanbangla ol atloe tloe neh thui ham a toong uh.

Amih te a ngaih mang uh tih " Amih olthui rhoek boeih he Galali hlang moenih a he ?

A hnuk khueng khohnin ah ' Kai kah Mueihla te hlanghing pumsa boeih soah ka lun vetih na capa neh na canu rhoek ol a phong ni.

Na canu na capa rhoek loh ophong a dang u ni. Cadong caloe rhoek loh a mangsak vetih patong rhoek loh mang a man u ni.Te vaengah Boeipa ming aka khue boeih te tah khang la om ni.

(24) KHRIHCA KODOK NAH

Efesa 4:1, 3-6, 31-32, 5:12, 1Kor 1:10

Tedongah Boeipa ah kai thongtla loh nangmih aka khue kah khuenah neh a tingtaw la pongthoh ham,

Kodonah neh muelhtuetnah rheap khueh lamtah thinsennah neh lungnah dongah khat neh khat ueh u thae.

Rhoepnah kah pinyennah dongah Mueihla ah kodoknah te khoem ham thahuel u lah tila kan hloep.

Nangmih kah khuenah te ngaiuepnah pakhat dongah n'khue u vanbangla pumrho pakhat neh mueihla pakhat ni a om.

Boei pakhat, tangnah pakhat, baptistma pakhat, Soeprrhaep boeih so neh soeprrhaep boeih khui neh soeprrhaep boeih dongah soeprrhaep boeih kah pa neh Khohni pakhat ni a om.

Soeprrhaep boeih ah olthae olkhaa khaw, thintoek neh thinsa khaw hohaem neh thaekha ol te a thae boeih neh nangmih lamkahloh khoe uh.

Te phoeiah khat neh khat taengah rhennah, sitlohnah khueh uh. Khrih ah Khohni loh nangmih khodawk a ngai bangla khat neh khat khodawknghai uh.

Ba dongah tikoinih amih loh a huephael ah a sai boeih te thui pataeng rhaidaeng la om.

Tahae ah Manuca rhoek nangmih te olcal thikat vetih nangmih ah paekboenah om kolla lungbuei vanat, mangtaengnah vanat la kodok la na om u ham mamih boeipa Jesuh Khrih ming neh kan hloep uh.

(25) HINGNAH THAI

2 Kor 5:17, John 15: 4-8, 10-12

Te dongah ukhaw Khrih ah a om atah saihluen thai la om coeng. A rhuem te khum tih a thai halo coeng he.

Kai ah om u lah, kai khaw nangmih ah ka om ni. A baek loh misurkung dongah a om pawt atah amah neh amah a thaih a thaih thai pawt bangla nangmih khaw kai ah na om uh van pawt atah na thaii uh mah pawh.

Kai tah misurkung la ka om tih ; nangmih tah a baek rhoek ni. Kai ah aka om tih anih ah kai ka om hlang te tah a thaih muep thaisu ni. Kai pawt atah bakhaw na sai u thai pawh.

Ukhaw kai ah a om pawt atah thing koh bangla poengah a voeih phoeiah te rhoek te hmai khuila tun a phum vetih a hoeh ni.

Kai ahna om u tih nangmih ah kai olka te a rhaehrhong atah mebang khaw na ngaih boeih te na hoe uh vaengah nangmih ham ha soep ni. Kai hnukbang rhoek la na om uh tih a thaih muep na thaihsu uh nen te a thangpom la om coeng.

Kai kah olpaek te na kuem atah kai loh a pa kah olpaek rhoek te ka kuem tih a pa amah kah lungnah dongah ka om vanbangla kai kah lungnah dongah na om uh ni.

He he kai kah olpaek ni : Nangmih kan lungnah vanbangla khat neh khat na lung u thae ni.

(26) KHOHNOP NAH

Ephisa 5:15, 17, 18, Galati 5:16, 22, 24, 25, 1 Kor 3:16-17

Te dongah metla na caeh u ham khaw tuektuek dawn uh. Hlangang bangla pawt tih hlangcueih bangla om uh.

Te dongah vapsa la om u boeh. Tedae mebanglae Boeipa kah kongaih te yakming u lah.

Te phoeiah a khuiah omngaihrawn aka om misurtui te rhui u boeh. Tedae Mueihla neh baetawt uh.

Te phoeiah Mueihla neh na caeh u atah pumsa ngaih na rhoi u ham rhoerhoe moenih ka ti.

Tahae ah pumsa kah bibi aka phoe te tah cukhalhnah, tueilaehnah, khoboethae, ***Mueihbawknah, lungsawtnah, thunkhanah, tohhaemnah, uethnetnah, thintoeknah, koohangnah, paekboenah, bupaeknah,***

hmuhhuetnah, rhuihahnah, omngaihbawnnah rhoek he ni. Te bang boeih te thui tangtae vanbangla te bang kho aka boe rhoek loh Khohni kah ram pang mahpawh tila nangmih ka thui oepsoeh.

Tedae Mueihla kah a thaih tah lungnah, omngaihnah, rhoepnah, thinsennah, rhennah, boethennah, uepomnah, mueltuetnah, kuemsuemnah ni. Tebang khoboe te olrhi loh a kingkalh he om pawh.

Tedae Jesuh Khrih kah [hlang] rhoek te pumsa hoehhamnah neh huengaihnah thinglam ah hmaih a tai coeng.

Mamih khaw Mueihla neh n'hing u atah Mueihla neh kho thueptluep kan u van sih.

Nangmih tah Khohni kah bawkim la na om u tih nangmih khuiah Khohni Mueihla a hing te na ming uh moenih a ?Nangmih tah a cim Khohni kah bawkim la na om uh dongah ukhaw Khohni kah bawkim im aka phae tah anih te Khohni loh a phae van ni.

(27) NUTUEL PATUEL KHOHNIN

1Korin 3:10-13, 16-17, Rom 12:1,2

Khohni kah lungvatnah kai m'paek rhangneh aka cueih imsakung bangla tungrom ka sut. Atloe long tah a sak dae metla a sak khaw rhip dawn saeh.

Ba dongah tikoinih tungkho aka sut Jesuh Khrih lakah aka tloeng thai atloe om pawh.

Tedae ukhaw tungkho te sui, ngun, lungthen, thing, khopol, cangkong, dongah a sak atah

khat rhip kah bisai te phoe la om ni. Ba dongah tikoinih pakhat rhip kah bisai te metla a om khaw hmai loh a noem vetih hmai neh a tueng sak ham dongah a tue khohnin loh a phoe bit ni.

Nangmih tah Khohni kah bawkim la na om u tih nangmih khuiah Khohni Mueihla a hing te na ming uh moenih a ?

Khohni kah bawkim tah a cimcaih la om tih nangmih khaw te bawkim la na om uh dongah ukhaw Khohni kah bawkim aka phae tah amah te Khohni loh a phae van ni

Te dongah manuca rhoek nang, Khohni kah rhennah rhangneh nangmih kah pumrho te Khohni loh a uem ham aka cim aka hing hmueih la paek ham kan hloep uh. Nangmih kah mueihlaben thothuengnah tah he pawn ni.

Te dongah hekah diklai mueikap sak u boeh. Tedae lungbuei thai neh thovael uh. Te daengah nah ni, Khohni kah kongaih aka then, aka soep neh uemo koi te na soepboe u thai eh.

(28) DUENGNAH

Te phoeiah a rhoeng nah Nazareth la halo tih yaehhnin khohnin ah a sai noek bangla tunim khuiah kun tih catae hamla a pai hanghatah tonghma Isaiah kah cabu te a doe u tih cabu te a hlam vaengahA thae neh han taa boeh. Tedae a thae te a then neh han taa.

Tedae na rhal te a bung a pong atah buh cah tui a halh atah tui tul. Tlamte sai daengah ni a lu ah hmai ulh na poep eh" tila a thut coeng.

Boeipa kah Mueihla te kai soah om tih khodaeng rhamthai taengah olthangthen thui ham kai he situi n'hluk.

Thongtla rhoek taengah loeihnah olthang thui ham neh mikdael te khohmuh sak ham, a haemtaek rhoek te loeihnah dongah loeih sak ham boeipa kah a uem kum te phong ham kai n'tueih coeng." tila daek tangtae aka om te a hmuh.

Te phoeiah cabu te koep a yol tih aka tawt te a paek ti a ngol hatah tunim kah aka om boeih loh boeipa te tlik a sawt uh.

Te dongah amih taengah " tihnin ah He kah olcim he nangmih hna khuiah soep coeng " tila pahoi a thui hatah

hlang boeih loh Boeipa te a koeh uh tih Boeipa hmui ka lamkah aka thoeng lungvatnah olka te a ngai la a hmang uh dongah anih he Joseph capa moenih a? a ti uh.

Tedae Jesuh loh " Amah tolrum ah hmaithen aka dang tonghma he om pawh tila nangmih taengah rheap kan thui " a ti nah.

Tedae na rhal te a bung a pong atah buh cah tui a halh atah tui tul. Tlamte na sai daengah ni a lu ah hmai ulh na poep eh" tila a thut coeng. A thae neh han taa boeh. Tedae a thae te a then neh han taa.

(29) KHRIH HLANGBOEL

Mathai 16: 15-19, Olphong 21;2-4, 22:17

" Nangmih ta, kai he ulae na ti uh ?" tila Boeipa loh amih te a dawt

Simon Peter loh," Nang tah aka hing Khohni Khohni Capa Khrih la na om " a ti na tih a lan.

Tevaengah Jesuh loh," Jonah capa Simon, yoethen la na om,Ba dongah tikoinih pumsa neh thi long moenih vaan kah a Pa long ni nang taengah ham phoe.

Te dongah kai longkhaw nang taengah kan thui tah nang he Peter la na om, tih he kah lungnu soah ka hlangboel ka sak vetih saelkhui kah vongka rhoek loh khulae mahpawh.

Vaan ram kah cabi te nang taengah kan paek vetih, u khaw lai hmanah na pin te vaan ah pin la om ni, tih u khaw lai hmanah na hlam te vaan ah hlam la om ni.

Te vaengah Boei ngolkhoel lamkah ol ue ka yaak tah tah,"Khohni kah rhaenghmuen tah hlanghing nehhmaih om coeng. Te dongah amih taengah Boeipa te om vetih amih khaw Boeipa kah hlang rhoek la om uh pawn ni. Khohni amah khaw amih taengah om vetih amih kah Boeipa Khohni la om ni hlang la coeng u ni.

(30) OMNGAIHNAH THEN

Mathai 5:3-12

lungbuei mueihla ngaihmanh rhoek te tah yoethen hlang la om Ba dongah tikoinih vaan ram te amih kah la om.

kothae hlang rhoek tah a yoethen uh ; amih te hloep la om nikodo hlang tah a yoethen uh ; dilai he a pang u ni.

duengcimnah te tui la a ka hal bung la ka pong hlang tah a yoethen uh ; amih tah hah u ngai nihlang a ka rhen tah a yoethen uh ; amih tah rhen la om van ni.

Lungbuei khuiah a ka cim tah a yoethen uh ;Ba dongah tikoinih Khohni Khohni te a hmuh ni.

Rhoepnah a ka sai kung rhoek tah a yoethen uh ;Ba dongah tikoinih amih te Khohni Khohni kah ca rhoek tila a khue u ni.duengcimnah kongah hnaemtaek la a ka om hlang rhoek a yoethen uh ; Ba dongah tikoinih vaan ram te amih kah ni.

Kai kongah nangmih te hlang loh n ' thuithet tih, n ' hnaemtaek tih nangmih soah laithae neh a thae boeih te m ' pael u vaengah na yoethen uh.

" Omngaih u lamtah na kohoe sak u lah. Bandongah tikoinih vaan ah nangmih kah thapang muep om. Hetlamni nangmih hmaikah tonghma rhoek khaw a hnaemtaek uh.

(31) BOEIPA PANGTUNG LAH

1Timote 4:11-16, 1Thesalonika 3:12-13, 5:23

He rhoek he olpae lamtah thuituen. Na rhoengli te ukhaw hnaep sak boeh tedae olka dongah khaw, khosak dongah khaw, lungnah dongah khaw, tangnah dongah khaw, cuemcaihnah dongah khaw, tangca rhoek ham awt koi la om lah.

Nangmih ah aka om kutdoe a ham rhoek kah kut tloeng tih olphong loh nangmih m'paek te hnoelrhoeng boeh.

Hlang boeih taengah nang kah na rhoengnah te tueng sak ham te kah he sai ham khinngai lah.

Namah neh namah khaw, na tuklipnah khaw ngaithuen lamtah he rhoek boeih dongah tukoei lah. He he na sai dongah namah neh namah khaw nang ol aka ya rhoek te khaw na khang ni.

Te dongah Boeipa loh nangmih m'pungtai sak saeh lamtah khat neh khat taengah khaw hlang boeih taengah khaw lungnah te baecoih saeh.

Kaimih taengkah vanbangla nangmih ham khaw om van saeh.

Te dongah nangmih kah thinko te mamih Boeipa Jesuh te amaih kah hlangcim rhoek boeih neh halo vaengah a pa neh Khohni hmaiah cimcaihnah dongah cuemthuek la cak sak uh. Amen

(32) DUNGYAN HINGNAH

Johan 3:14-17, 36; 11:23-27

Te phoeiah Moses loh khohong ah rhul te a tai van bangla Hlang Capa te tai la om van ni. Te dongah anih te aka tangnah boeih tah dungyan hingnah a dang ni.

Khohni loh diklai a lungnah dongah khuehduen capa te a paek tih anih te aka tangnah boeih te tah poci pawt vetih dungyan hingnah a dang ni.

Khohni loh diklai te olcaek hamla diklai ah capa han tueih pawt tih anih rhangneh diklai te khang ham ni.

Te dongah Johan taeng ah halo u tih "Saya, Jordan rhalvangan ah nang nehhmaih na om tih, nang loh anih kawng na phong long te ' hlang boeih te tui a nuem tih anih taeng ah halo u coeng he " a ti na uh.

Capa aka tangnah te tah dungyan hingnah a khueh. Tedae capa ol aka aek te tah hingnah hmu pawt vetih Khohni kah kosi te anih soah om.

Jesuh loh "Nang kah nganpa te thoo bit ni" tila Marta te a ti nah.

Marta loh "Hnukkueng khohnin kah thokoepnah tue vaengah thoo ni tila ka ming ngawn ta " a ti nah.

Jesuh loh anih taengah "Kai tah thohkoepnah neh hingnah la ka om. Kai ah aka tangnah te tah duek mai cakhaw hing ni.

Kai ah aka tangnah tih kho aka sa boeih te tah kumhal duela duek tlaih mahpaawh ti he na tangnah a ?" a ti nah.

Marta loh Jesuh te "Thuem ngawn Boeipa, Nang tah diklai la aka lo Khohni capa Khrih ni tila kan tangnah" a ti nah.

(33) PAYA LAIKOI NEH HUITAI

Johan 15:10-17, Mark 10: 44-45

Kai kah olpaek te na kuem atah kai loh a pa kah olpaek rhoek te ka kuem tih ***a pa amah kah lungnah dongah ka om vanbangla kai kah lungnah dongah na om uh ni.***

Kai kah omngaih he nangmih ah om vetih nangmih kah omngaih a soep ham ni he rhoek he nangmih ham ka thui coeng.

He he kai kah olpaek ni: Nangmih kan lungnah vanbangla khat neh khat na lung u thae ni.

Hlang khat khat loh a hui rhoek ham amah kah hingnah a hmoel atah te lakah aka tanglue lungah te u long khaw khueh pawh.

Nangmih te sal la kan khue voel mahpawh, Ba dongah tikoinih a boei loh a sai te sal loh a ming moenih. Tedae A pa taengkah ka yaak boeih tenangmih taengah ka phoe sak dongah nangmih tah paya la kan khue coeng.

Nangmih loh kai nan tuek uh moenih, tedae kai loh nangmih kan tuek dongah na cet uh vetih a thaih na thaih phoeiah na thaih te phueih om sak ham nangmih kan khueh. Tiatah mebang khaw kai kah ming neh Pa taengah boeih na bih uh atah nangmih ham han rhoi ni.

Khat neh khat na lungnah u thae ham nangmih te ol kan paek. Tedae nangmih ah ukhaw tanglue la om aka ngaih boeih tah nangmih kah tueihyoeih la om dae saeh.

Ba dongah tikoinih hlang capa pataeng khaw hlang aka tueih ham halo pawt tih hlang bomcen ham neh a yet ham amah kah hingnah te tansum la paek ham ni halo.

(34) BIBI THEN

John 4:35-38, 2 Thesalonika 3:7-11, Johan 9:4, Kala 6:9

Nangmih loh "Cangah pha ham hlali om pueng tila na thui u moenih a ? Nangmih taengah ka thui ; Na mik te dai u lamtah dan u lah hmuenlung tah cangah ham oepsoeh la om u tih aeng noi coeng ke,

Cangat te cangtuh kung neh thikat la a omngaih naham Cangat loh taphu a dang vetih dungyan hingnah khuila a thaih te a tung coeng.

Te dongah ' aka tuh te atloe tih aka at te atloe ni ' tila aka om olka te thuem pai
Nangmih na patang u pawt tih atloe rhoek a patang na ah cangah ham kai loh nangmih kan tueih dongah amih rhoek kah bi khuiah na kun u coeng." a ti uh.

Tedae thatlohckik la khoyin kothaih patangnah neh bi ka bi u he nangmih
khuikah u khaw tedae thinrhih sak ham moenih.

Ba dongah tikoinih nangmih taengah ka om uh vaengah pataeng ol " Ukhaw bisai ham aka ngaih pawt tah buhcah van pawt ham te nangmih taengah ka thui uh coeng.

Nangmih khuikah hlangvang tah vapsa la pongtho u tih bi a sai uh kolla tomban la a om u te ka yaak uh.

kothaih tue a om vaengah kai aka tueih kah bi te mamih loh sai ham a kuek.khoyin halo vaengah Uloh sai thai mahpawh.

Te dongah a then sai he thathae sak u boel sih. Ba dongah tikoinih amah tuetang ah n'ah u ham te kobawt sak u boeh.

(35) CUEIHNAH

James 1:5-7, Mat 7: 24-26, 21

Tedae nangmih ah cueihnah aka vawt ni a om khoem atah soep rhaep boeih te moeihoeih neh a paek tih aka hloh pawh Khohni taengah bih hoe saeh, anih te a paek bit ni.

Tedae uepvawt kolla tangnah neh bih saeh. Ba dongah tikoinih uepvawt he tuili kah tuiphu te khohli loh a yawn tih a hinghuen bangla om

Te dongah te bang hlang loh Boeipa taengkah ba khat ca khaw ka dang ni tila lamtawn boel saeh.

" Te dongah he rhoek kah kai ol a yaak tih a ka sai tah lungnu soah a im aka sa te tah hlang cueih neh thuidoek la om.

Rhotui ha tlan tih tuiva khaw halo, hlipuei khaw ha hli tih im te a palet dae, lungnu soah tungkho a sut dongah bung pawh.

" Ukhaw ka ol a yaak dae a ka sai pawt tah divin soah a im a ka sa hlang ang neh thuidoek la om ni.

" Kai taengah Boeipa, Boeipa " a ka ti hlang boeih vaan ram khuiah kun mahpawh. Tedae vaan kah a Pa kongaih a ka sai hlang bueng ni a kun eh.

(36) BOEINAH TANGTANG

Mark 10:23, 25, 26, 27, 29, Mathai 6:19-21, 2Korin 8:9

Te vaengah Jesuh loh a taeng a vai te a sawt tih a hnukbang rhoek te, "Khuetawn aka om te Khohni ram ah a kun u ham bahoeng kuel mai." a ti nah.

Te dongah Boeipa kah olka te hnukbang rhoek loh ngaihmanh uh. Tedae Jesuh loh amih te " Camoe rhoek, Khohni kah ram la kun ham te bahoeng kuel coeng "

Aka boei te Khohni kah ram ah a kun lakah kalauk phamet khui ah a kun te phoeng bet pueng," a ti nah tih koep a lan.

Jesuh loh amih te a sawt tih, "Hlang loh a tloelnah dae Khohni ham tah soeprhaep boeih a yoeikoek dongah Khohni loh tloelnah mahpawh." a ti nah.

Jesuh loh, "Nangmih ham rheap kan thui, U khaw kai ham neh olthangthen ham im khaw a manuca khaw a nganu khaw a manu khaw a ca rhoek khaw, a khohmuen khaw, aka hno tah

Tahae tue ah im khaw a manuca neh a nganu khaw a manu neh a ca rhoek neh khohmuen khaw hnaemtaennah neh hmailong kah khosak dongah dungyan hingnah nehhmaih aka dang pawt te om pawh.

Keet neh thi - aek loh a caak nah tih hlanghuen loh a muk tih a huen thai nah dilai hmanah na kawn tung u boeh.

Thi - aek neh keet loh ca thai pawt tih, hlanghuen longkhaw a muk a huen thai na pawh vaan ah na kawn te tung uh.

Ba dongah tikoinih na kawn a om naah na kopoeik khaw om van ni. Mamih kah Boeipa Jesuh Khrih he boeirhaeng la om cakhaw nangmih ham khodaeng a ming dongah anih kah khodaeng ming loh nangmih m'boei sak dongah boeipa kah lungvatnah te na ming uh.

(37) NGAIDIPNAH

Mathai 11:28, Rom 8:1-10

Hnorhah rhoek neh patang rhoek boeih te kai taeng la halo lah, kai loh nangmih te kan duem sak ni.

Tahae atah Jesuh Khrih ah aka om rhoek te dantatnah om pawh. Ba dongah tikoinih Jesuh Khrih ah hingnah Mueihla kah olrhi loh tholh neh dueknah kah olrhi lamkah nang n'loeih sak coeng.

Ba dongah tikoinih Pumsa saloella aka om rhoek loh pumsa hno te a poek u dae Mueihla neh aka om rhoek long tah Mueihla hno te a poek.

Te dongah pumsa kah poekanah he dueknah tih Mueihla kah poeknah te tah hingnah neh ngaimongnah la om.

Tedae nangmih te pumsa ah pawt tih Mueihla ah na om u atah nangmih khuiah Khohni kah Mueihla te om.

Tedae ukhaw Khrih Mueihla aka khueh pawt tah anih te Khrih kah hut moenih.

Tahae ah Khrih he nangmih ah a om atah cungvang ngawn tah na pumrho he tholh ah duek suidae Mueihla te duengnah dongah hingnah om ni.

(38) KHRIHCA BISAI

Rom 10:13, 14, 15, 17; 1Kawrin 1:8, Rom 1:16-17, 1Kawrin 1:23-24

Te dongah ukhaw boeipa ming aka khue boeih tah loeih ni.

Tedae a tangnah u mueh la Boeipa te metlamlae a khue u eh, a yaak u mueh la Boeipa te metlamlae a tangnah u eh, a thui mueh la metlamlae a yaak u eh.

A tueih u pawt atah metlamlae a thui u eh ?Thut oepsoeh vanbangla " Aka then olthangthen aka phong rhoek kah a kho tah then tangkik."

Tedae olthangthen te hlang boeih loh a ngai u pawt dongah Isaiah loh " Boeipa kaimih kah olthang he ulong a tangnah " tila a thui.

Te dongah yaaknah lamkah tangnah om tih, Khrih kah olka yaaknah rhangneh yaaknah te om

Thinglam kah olthang he aka poci rhoek taengah angnah la om dae mamih ham tah loeihnah Khohni kah thaomnah la om

Olthangthen he Khohni kah thaomnah neh aka tangnah boeih lamhma la Judah rhoek te phoeiah Greek rhoek ham khangnah la a om dongah ka yah puei pawh.

" Hlang dueng he tangnah rhangneh hing ni " tila a thut van bangla Khohni kah duengcimnah he olthangthen ah a om dongah tangnah lamkah tangnah te tueng coeng.Tedae a ngawn tangtae Khrih mamih loh kawng n'thui uh he cungvang tah Judah rhoek ham vaam la om tih namtlloe rhoek ham angnah la om.

(39) BOEIPA HNOKHOEM

Rom 12:6,8, 2 Kawr 9:6-7, Rom 12:9, Caeltueih 4:32-35

Te dongah lungvatnah n'dang u tarhing la mamih te kutdoe a thoeng a noe la m'paek coeng tih olphong n'dang atah tangnah aka om tarhing la phong saeh.

Bibinah a dang atah bibinah ah, Thuituennah aka dang te tah thuituennah ah, hloephoelhnah aka dang te tah hloephoelhnah ahaka doedan loh moeihoeih neh, aka mawtkung loh ngaithuennah neh, aka rhen loh omngaih omloe la, om saeh.

Te dongah moeithae aka tuh loh moeithae a ah van vetih moeihoeih aka tuh loh moeihoeih a ah van ni.

Hlang boeih loh hnaih doe neh mangkhak doe ah pawt tih a thinko ah lunghoih neh pae saeh. Ba dongah tikoinih omngaih kohoe la aka pae ni Khohni loh a lungnah.

Lungnah he thuhphah mueh la om saeh. A thae te tuei lamtah a then te kop uh.
Aka tangnah rhoek te muep ping uh dae thinko lungbuei pakhat la a hong uh tih koeva boeih te nang koe kai koe ni aka ti u khat khaw om kolla soeprhaep dongah amih te tun cut uh.

Amih lakli kah im lo aka om boeih te a kungmah rhoek loh a yoih uh tih a yoih uh kah a phu te han khuen utih caeltueih rhoek kah kho kung ah a tloeng u tih ukhaw vawtthoeknah aka om te tah rhip a tael pah uh dongah aka daeng ukhaw om pawh

(40) OMNGAIH OL

Luka 17:12-19, Mathai 7: 7, 8, 11

Kho pakhat ah a kun vaengah anih aka doe hmaibae hlang parha te a hla lamkah pai uh tih

Amih te a hmuh vaengah " Ha cet u lamtah namamih kah pumrho te khosoih taengah tueng uh " a ti nah. Amih te a caeh u li vaengah a tloh boeih cimcaih la boeih a om pa uh.

Tedae amih khuikah pakhat long tah a hoeih te a hmuh vaengah ki bal tih ol ue la Khohni te a thangpom.

Te phoeiah anih he Samaria naam lamni a om ngawn dae Boeipa kah kho kung ah amik hmai a buluk tih boeipa te uem cil a thui.

Tedae Jesuh loh parha la boeih na cim u moenih a ? Pako rhoek te tah melam a om uh " a ti nah tih a lan.

Tahae kah kholong hlang mueh atah Khohni thangpomnah paek ham aka lo hmuh pawh.

Te phoeiah anih te thoo lamtah cet laeh namah kah tangnah loh nang n'hlawt coeng." a ti nah.

Bih u lah nangmih te m' paek ni. Tlap u lah na hmuh u ni. Khoek u lah nangmih ham thoh han ong ni.

Ba dongah tikoinih a ka bih hlang boeih loh a dang vetih a ka tlap hlang longtah a hmuh, a ka koek hlang hamla thoh a ong pa ni.

Nangmih rhoek te hlang thae la na om u dae, na ca rhoek te kutdoe then paek ham na ming u, atah vaan kah na pa loh a taengah a ka bih rhoek te metlamlae hno then te lakah a paek eh.

(41) HLANGCIM RHOEK

Heb 12:1-2, Rom 8:14, 16, Olphong 7:9, 14-17

mamih khaw hebang mingpueinah khomai loh mamih n'thing tih a om coeng dongah tholh hnorhih boeih neh tombanrhui te khoe uh sih lamtah loehlannah mamih ham a tawn te uehnah neh yong uh sih.

Tangnah kah hma aka pai tih hma aka khap Jesuh te hmaitang u sih. Anih loh amah hmai ah a tloeng pah omngaih nah ham yah a voeih bat tih thinglam te a ueh.

Khohni kah mueihla loh a mawt boeih tah Khohni kah a ca rhoek ni.

Mamih rhoek he Khohni kah ca rhoek la n ' om u coeng tila Mueihla amah loh mamih kah mueihla nehhmaih a mingpuei coeng.

Te phoeiah ka dan hatah hlangping a yet toek lek toek na pawt te om.namtom boeih neh hlang phung rhoek neh ol com ol cae aka cal rhoek te tuca hmai neh ngolkhoel hmaiah a pai uh. Himbai bok a bai uh tih a kut ah rhophoe rhip a pom uh.

Kai long khaw anih te,"ka Boeipa namah loh na ming" ka ti nah. Anih long "Amih rhoek he khodaeng aka tlo koek lamkah aka lo la om uh tih amamih kah himbai te Tuca kah thisen ah a suk uh tih aka cilpoe rhoek ni." tila kai taengah a thui.

Te dongah Boeipa Khohni kah ngolkhoel hmaiah om uh tih, Boeipa kah bawkim ah khoyin kothaih Boeipa amah te a bawk uh.Ngolkoel sokah aka ngol loh amih soah a dah.

Amih rhoek te a bungpong uh voel mahpawh tuihal uh voel mapawh.Kholing loh kaeng voel mapawh. Amih te khomik neh mebang kholing long khaw do voel mahpawh.

Ba dongah tikoinih ngolkhoel lakli kah tuca loh amih te a dawndah vetih amih te hingnah tuisih la a mawt ni. Amih mik lamkah mikphi boeih te khaw Khohni loh a huieh pawn ni

(42) KHRISMAS

Mathai 2:1-6, 11; Luka 1:68:69

Herod manghaitue vaeng ah Jesuh tah Judah ram Bethlehem ah thaang, te vaengah Khothoeng ben lamkaloh hlangcueih rhoek Jerusalem la halo uh tih.

" Judahmanghai aka thang te melam a om ? Anih kah aisi te Khothoeng ben ah ka hmuh u tih, anih bawk hamla ka lo uh " a ti na uh.

Herod manghai loh a yaak vaengah lakueng. Jerusalem kah aka om hmaih boeih khaw lakueng tih

Khosoih puei rhoek neh hlang rhangpuei khuikah cathutkung rhoek te boeih a tingtun tih miahlae Khrih a thaang ti te a cae.

" Judea ram Bethlehem kho ah tila tonghma rhoek loh a thut oepsoeh te " amih loh a thui pa uh.

" Judah ram kah Bethlehem nang ngawntah Judah mawtkung rhoek khuiah a diknoi la na om moenih. Ba dongah tikoinih nang lamkaloh mawt kung halo ni. Anih loh kai kah hlangping Israel te a dawn a dah ni.

Im khuila cet u tih camoe neh a manu Mary te a hmuh u vaengah bakuep doe ah a bawh uh.a khoh te a ong u tih kudoe la sui, frankensen neh mura te a paek uh.

A pilnam te a hip tih tlannah a sai dongah Israel Boeipa Khohi te thangpom la om saeh.

A taengom David im khui ah mamih ham khangnah kii pakhat a cawn sak coeng.

(43) LOSAK KHOTUE

Number 28: 26 Psalm 67:7 ; 65:9, 10 Exodus 23:19

Thaithcuek khohnin ah an thai te Boeipa taengah na nawn u vaengah hlangcim rhoek kah tingtunnah te yarkhat khuiah na khueh u ni. Namamih hamla omthawt kah bitat bakhaw na sai uh mahpawh.

Khohmuen loh a vuei a thaih a khueh tih mamih kah Khohni, Khohni loh mamih yoethen m'paek.

Boeipa diklai na hip tih muep na bueih. Khohni kah sokca tuiva te na yet sak tih tui na bae sak. Diklai te na hlinsai tih cangkung neh na cikngae sak.

Hmuenlung te na thol tih na sulpuem sak phoeiah kong te na cikngae sak. Damtui neh na pan sak phoeiah toian yoethen na paek.

Na khohmuen kah thaithcuek tanglue te na BOEIPA Khohni kah im la na khuen ni. Boeipa diklai na hip tih muep na bueih. Khohni kah sokca tuiva te na yet sak tih tui na bae sak. Diklai te na hlinsai tih cangkung neh na cikngae sak.

Hmuenlung te na thol tih na sulpuem sak phoeiah kong te na cikngae sak. Damtui neh na pan sak phoeiah toian yoethen na paek.

Kum te na thennah neh na muek tih na konghu ah situi tluetluek long.Kohong rhamtlim khaw saihnim tih molmae te omngaih neh na cin. Rhamtlim te boeiva loh a thing tih tuikol rhoek te cangkung a kangding dongah tamhoe laa a sak uh.

(44) MAWTKUNG THEN RHOEK

Ephisa 4:12, 1Timote 4:11-16, 2 Timote 2:15, 2 Kawrin 4:7, 1Peter 4:10

Te phoeiah Boeipa amah loh angen te caeltueih rhoek, angen te tonghma rhoek, angen te olthangthen aka thui la, angen tah, tudawn neh saya la a khueh

Mamih rhoek boeih tangnah neh Khohni capa mingnah dongah kodok tih Khrih kah a soepnah pumrho tarhing ah hlang soep la m'pha u duela,Khrih kah pumrho saknah bibi bitat ham hlangcim rhoek kah hlinsainah ham ni.He rhoek he olpae lamtah thuituen.

Na rhoengli te ukhaw hnaep sak boeh tedae olka dongah khaw, khosak dongah khaw, lungnah dongah khaw, tangnah dongah khaw, cuemcaihnah dongah khaw, tangca rhoek ham awt koi la om lah.

Ka lo hlanduela olcim taenah, thaphohnah, thuituennah te ngaithuenuh

Nangmih ah kangham rhoek kah kut tloeng tih olphong neh nangmih m'paek kutdoo te hnoelrhoeng boeh.

Hlang boeih taengah nang kah na rhoengnah te tueng sak lamtah te kah he sai ham khinngai lah.

Namah neh namah khaw,na tuklipnah khaw ngaithuen lamtah he rhoek boeih dongah tukoei lah. He he na sai dongah namah neh namah khaw nang ol aka ya rhoek te khaw na khang ni.

Oltak olka te tluektluok aka khoem ' aka birhih pawh bibikung tih Khohni taengah ueppang koi la nawn ham namah te tlungmu lah.

Te dongah thaomnah tloengkhoelh te mamih rhangnen pawt tih Khohni taeng lamkah a om naham he kawntehen tah lai am dongah n'tung uh.

Kutdoo rhip a dang u vanbangla Khohni kah lungvatnah cungkuem kah hnokhoem then bangla khat neh khat taengah bongyong u lah.

(45) BAPTISMA

Mathai 3:13-17; Rom 6:4-6; Mathai 28:19-20

Te vaengah Jesuh tah Johan kah baptisma Galilee lamkaloh Jordan la halo.

Tedae Johan loh anih te khoep a mah tih " nang loh tui nan nuem ham ka ngaihnhah om, dae nang vikte kai taeng ah lat na lo a ?" a ti nah.

Jesuh loh " tahae ah m ' pae laeh,Ba dongah tikoinih duengcim nah te kai soah boeih a soep ham om tueng dongah " tila a lan. Te vaengah Boeipa te a rhoii.

tuinuem a loh phoeiah Jesuh tui khui lamkah tlek thohang. Te vaengah anih hamla vaan te ong u, tih Khohni Khohni kah Mueihla vahu bangla anih soah a rhum te a hmuh.

Te phoeiah vaan lamkah ol halo." Hetah ka lungvat nah ka capa la om, anih dongah ka lungtlun " tila a thui.

Te tlamte pa kah thangpomnah rhangneh duek lamkah Khrih a thoh vanbangla mamih van khaw hingnah a thai ah pongpa ham khuiah a dueknah dongah baptisma loh boeipa nehmaih m'vui u coeng.

Ba dongah tikoinih amah kah dueknah mueiloh la om tun hmaih atah amah kah thokoepnah dongah khaw n'om u van ni. Ti dongah tholh kah pumrho te voeih tih tholh sal la mamih om voelpawt ham mamih kah hlanghing rhuem tah taii hmaih coeng te m'ming uh.

Te dongah cet u lamtah hlangphung boeih te hnukbang la han sai uh. Amih te Pa, Capa, Cim Mueihla kah ming neh tuinuem uh.Nangmih ham kai kah olpaek boeih boeih te a khoem na u ham amih te thuituen uh. Kai khaw nangmih neh diklai tue a bawt duela hnin takuem om hmaih ni he.

(46) KHRICA IMKHUI

Genesis 2:18, Mathai 19:6, Ephisa 5:22-25, 28, 33: ; 6:1-2, 4

Boeipa Khohni loh, tungpa amah bueng tah om ham then pawh anih ham amah neh a naii la bomkung ka sai ni a ti

Tedae Boeipa loh," Acuek ca lamkah aka sai kung loh tungpa neh huta amih rhoi ni a sai te na tae u moenih a ?

Te phoeiah " He kawng dongah ni tungpa loh a manu neh a napa te a imphaeltak vetih a yuu taengah om vetih panit te pumsa pakhat la om ni " tila Saikung loh a ti.

Te dongah amih rhoi tah panit la om tlaih voelpawt tih pumsa khat coeng ni. Te dongah mebang khaw Khohni loh a sam tom hmaih tangtae te hlanghing loh paekboe boel saeh " a ti na tih a lan.

Huta rhoek loh Boeipa ol a ngai banghui la a va rhoek ol te ngai saeh.

Ba dongah tikoinih Khrih khaw hlangboel kah lu tih amah rhoe he pum kah khangkung la a om vanbangla va he yuu kah lu ni.

Tedae hlangboel te Khrih taengah a kuep bangla yuu rhoek long khaw soeprhaep boeih dongah te va rhoek taengah kuep van saeh.

Tungpa rhoek Khrih loh hlangboel te a lungnah tih anih ham amah a voeih u vanbangla yuu rhoek te lungnah uh.

Te dongah tungpa rhoek long khaw amamih kah a yuu rhoek te amahmih kah pumrho bangla a lungnah ham om. Amah pum aka lungnah long te tah a yuu te a lungnah.

Ca rhoek Boeipa ah na nu na pa te olngai pah. Ba dongah tikoinih hekah he ol dueng ni. Na nu neh na pa te hiyah. Te tah olkhueh neh olpaek lamhma la om tih, Pa rhoek long khaw na ca rhoek te a thintoek sak boeh tedae amih te Boeipa kah thuituennah neh toelthamnah dongah cunah uh.